


Fegl d'infurmaziun tar il quint annual 2025



Diminuziun intenziunada da l'agen chapital a libra disposiziun

Il quint serra cun in surpli d'expensas da tut en tut -218,5 milliuns francs. Il surpli d'expensas resulta principalmain pervia da l'apport da 200 milliuns en la finanziaziun speziala Protecziun dal clima ed innovaziun. Cun l'apport vegn l'agen chapital a libra disposiziun diminuì intenziunadamain. La fin dal 2025 importava el 667 milliuns (onn avant: 927 miu.).



Il sbassament dal pe da taglia influenzescha il resultat

Cun 4,6 pertschient creschan las expensas totalas fitg ferm l'onn 2025. In dals motivs principals per quest svilup èn las contribuziuns en il sector dals fatgs socials, da sanadad e da furmaziun. Durant ils ultims 3 onns da gestiun 2022 fin 2025 èn las expensas totalas s'augmentadas per 19 pertschient. Las entradas totalas èn perfin sa diminuidas l'onn 2025 (-1,2 %). Quai è d'attribuir tranter auter al fatg ch'il pe da taglia per personas naturalas è vegnì sbassà per 5 pertschient.



L'onn 2026 vegn spetgà in surpli d'expensas

Er l'onn 2026 dastgassan las expensas crescer pli fitg che las entradas. Il sbassament dal pe da taglia e la revisiun da la Lescha da taglia per il 1. da schaner 2026 vegnan a mussar lur effect cumplain sin la rendita pir en il quint 2027. Per l'onn 2026 spetgain nus in surpli d'expensas da circa -60 milliuns. L'agen chapital a libra disposiziun vegn uschia diminuì anc pli fitg.



Per dapli infurmaziuns tar il quint chantunal 2025: www.gr.ch